



Diembargo sehingga 30 Mei, 11.30 pagi

MAJLIS PELANTIKAN RAKAN BAHASA 2015

Para pelajar bahasa Melayu dari 47 buah sekolah telah dilantik sebagai Rakan Bahasa di satu majlis pelantikan yang berlangsung pagi tadi. Sijil-sijil pelantikan Rakan Bahasa telah disampaikan oleh Encik Zaqy Mohamad, Pengerusi Jawatankuasa Bulan Bahasa 2015.

Dalam ucapan pembukaannya, Encik Zaqy mengucapkan tahniah kepada para pelajar dan menggalakkan mereka agar terus menyebarkan rasa cinta mereka terhadap bahasa Melayu. Mereka juga digalakkan untuk menganjurkan aktiviti yang berkaitan dengan bahasa Melayu di sekolah masing-masing.

Mengulas lebih lanjut mengenai harapan untuk Rakan-rakan Bahasa tahun ini, Cik Aidli Alin Mosbit dan Encik Suryakenchana, ahli Jawatankuasa Penganjur Bulan Bahasa 2015, mengumumkan beberapa acara dan aktiviti yang dirancang untuk para Rakan Bahasa. Inisiatif-inisiatif ini bertujuan untuk membolehkan para pelajar mempelajari kemahiran-kemahiran hidup dan juga supaya mereka mendapat peluang untuk menonjolkan semangat terhadap bahasa dan budaya Melayu.

1. Ceramah dan Bengkel Pengayaan

Sesi latihan yang dikendalikan oleh dua orang Duta Bahasa, Cik Aidli Alin Mosbit dan Encik Riz Sunawan, akan melatih para pelajar dengan kemahiran berpidato di hadapan khalayak, bagi mempertingkatkan kemahiran penyampaian mereka. Para pelajar juga akan diajar teknik penulisan dan temu bual yang akan membantu dalam peranan baru mereka sebagai seorang Rakan Bahasa. Lebih banyak sesi bersama para Duta Bahasa yang lain akan diadakan di sekolah mereka, untuk memperkasakan para pelajar dengan lebih banyak kemahiran hidup yang penting.

2. Peranan sebagai Pemandu Pengunjung semasa Pelancaran Bulan Bahasa

Para Rakan Bahasa akan berpeluang untuk mengasah dan menunjukkan kebolehan berbahasa Melayu mereka pada hujung minggu Pelancaran Bulan Bahasa di Gardens by the Bay nanti. Pelajar-pelajar akan menyambut atau memberi panduan



kepada para tetamu sambil mempamerkan keindahan bahasa dan budaya Melayu di acara tahunan ini, edisi SG50.

3. Menganjurkan atau melaporkan acara-acara di sekolah dalam Bahasa Melayu

Semua Rakan Bahasa digalakkan untuk menganjurkan acara berkaitan dengan bahasa Melayu di sekolah mereka, dengan sokongan para guru. Ini membolehkan mereka untuk berkongsi ekspresi kreatif mereka dalam bahasa serta mempromosikan budaya Melayu kepada rakan-rakan mereka. Para pelajar juga digalakkan untuk membuat liputan bagi acara-acara ini supaya idea dan maklumat dapat dikongsi dengan masyarakat. Laporan media seperti ini boleh dihasilkan melalui program dan aplikasi 'NewsMaker' yang ditaja oleh rakan kongsi Bulan Bahasa, Moo-O, untuk semua Rakan Bahasa tahun ini.



Untuk maklumat lanjut, sila hubungi:

Cik Aisyah Noor Mohd

DID: 6332 2244

E-mel: siti_aisyah_noor_mohd@nhb.gov.sg

Mengenai Bulan Bahasa

Bulan Bahasa pertama kali dilancarkan pada tahun 1988 oleh Majlis Bahasa Melayu, Singapura, sebagai satu inisiatif untuk menggalakkan masyarakat Melayu menggunakan bahasa Melayu dalam kehidupan seharian mereka. Pengguna bahasa Melayu ialah pewaris bahasa Melayu untuk memastikan bahasa Melayu dilestarikan menerusi penggunaan yang berterusan. Daripada acara yang berlangsung sekali setiap dua tahun sebelum 2010, Bulan Bahasa telah menjadi acara tahunan. Pelbagai kegiatan Bulan Bahasa telah dianjurkan untuk menggalakkan dan memberikan keyakinan dalam penguasaan bahasa Melayu

Untuk maklumat lanjut mengenai Majlis Bahasa Melayu, Singapura, dan Bulan Bahasa, sila lungsur mbms.sg dan facebook.com/majlisbahasa.